

Probas de acceso aos ciclos formativos de formación profesional

Grao medio

Convocatoria 2016

Consellería de Cultura, Educación e Ordenación Universitaria

Dirección Xeral de Educación, Formación Profesional e Innovación Educativa

1.	Inscripción para as probas de acceso.....	3
2.	Proba	6
3.	Exencións	8
4.	Conservación das partes aprobadas.....	10
5.	Resolución administrativa.....	11

1. Inscripción para as probas de acceso

Quen se pode presentar ás probas de acceso a grao medio?

Quen non cumpra os requisitos académicos de acceso a ciclos formativos de grao medio e teña feitos dezasete anos ou os faga no ano natural de celebración da proba.

Requisitos de acceso a ciclos formativos de grao medio:

- Título de graduado en educación secundaria obrigatoria.
- Título profesional básico.
- Título de técnico dun ciclo formativo de grao medio de formación profesional específica.
- Título de técnico auxiliar de formación profesional.
- Segundo curso do bacharelato unificado e polivalente (BUP) rematado ou cun máximo de dúas materias pendentes no conxunto dos dous primeiros cursos.
- Segundo curso do primeiro ciclo experimental da reforma das ensinanzas medias (REM).
- Terceiro curso do plan de estudos de 1963 ou segundo curso de comúns experimental das ensinanzas de artes aplicadas e oficios artísticos.
- Outros estudos declarados equivalentes, para efectos académicos, con algún dos anteriores.
- Titulación universitaria ou equivalente, para efectos académicos.
- Módulos obrigatorios (módulos profesionais e módulos formativos de carácter xeral) dun programa de cualificación profesional inicial (PCPI) cursados desde o curso 2011-2012.
- Proba de acceso á universidade para maiores de 25 anos.
- Proba de acceso á ciclos formativos.

Como inscribirse nas probas de acceso?

- As solicitudes poderanse realizar de modo telemático desde a opción “solicitud web” dispoñible na páxina www.edu.xunta.es/fp/probas. A aplicación informática xera una instancia para imprimir que se debe presentar nun centro de inscrición, acompañada da documentación que se indica na instancia. Entanto que non se efectúe ese trámite perante un centro de inscrición, non quedará feita a matrícula.
- Opcionalmente, pódese optar por cubrir o formulario normalizado en pantalla, imprimilo e presentalo nun centro de inscrición acompañado da documentación necesaria. O formulario normalizado está dispoñible en:
 - Sede electrónica da Xunta de Galicia, <https://sede.xunta.es> (código de procedemento: ED312D)
 - www.edu.xunta.es/fp

Considerase centro de inscrición calquera centro público dependente da Consellería de Cultura, Educación e Ordenación Universitaria, con oferta de formación profesional.

Onde se pode presentar a solicitude de inscrición para as probas de acceso?

Tanto as solicitudes web como o resto das solicitudes, xunto coa documentación relacionada, entregaranse nas secretarías de calquera centro público dependente da Consellería de Cultura, Educación e Ordenación Universitaria con oferta de formación profesional.

En que centro entrego a solicitude?

Calquera centro público dependente da Consellería de Cultura, Educación e Ordenación Universitaria que imparta formación profesional é válido como centro de inscrición, aínda que a súa oferta educativa non inclúa os ciclos formativos aos que se aspire a acceder.

Recoméndase usar como centro de inscrición o máis próximo ao domicilio habitual, posto que calquera outro trámite posterior á inscrición (por exemplo, consulta de listas, presentación de reclamacións, etc.) deberá realizarse exclusivamente perante o centro de inscrición elixido. Ademais, a sede de exame que se lle asigne será un centro próximo ao devandito centro de inscrición.

Cal é o prazo para inscribirse nas probas de acceso a grao medio?

O prazo de inscrición será entre os días 4 e 15 de abril, ambos incluídos.

As persoas que teñan superada unha proba de acceso á universidade para maiores de 25 anos poden inscribirse na proba de acceso?

Si; poderán realizar a proba de acceso completa coa finalidade de poder obter unha nota de acceso a ciclos superior a 5,00.

Tamén poderán participar directamente no proceso de admisión a ciclos formativos, presentando o certificado acreditativo de ter superada a proba de acceso á universidade para maiores de 25 anos, na secretaría do centro correspondente, nos prazos establecidos para a admisión. Neste caso, para os efectos de baremo no proceso de admisión a ciclos formativos, a cualificación será de 5,00.

As persoas que teñan superada a proba de acceso á universidade para maiores de 45 anos teñen acceso a ciclos formativos?

Non; deberán presentarse á proba de acceso a ciclos formativos.

Pódese realizar a inscrición a só unha parte da proba?

A inscrición realízase necesariamente para a totalidade da proba, independentemente de que, na propia solicitude, se poida solicitar a exención ou a conservación da nota de partes aprobadas anteriormente.

Se son aspirante estranxeiro/a, que documento de identidade debo usar?

O documento correcto é a tarxeta do NIE (número de identificación de estranxeiros). Na súa ausencia, excepcionalmente, pódese usar o pasaporte ou, no caso de cidadáns ou cidadás da Unión Europea, documento oficial de identidade do seu país.

Que fago se non podo presentar a solicitude por min mesmo/a? (actuación a través de representante).

Se vai presentar a solicitude a través de representante, cómpre acreditar a representación por calquera medio válido en Dereito.

En particular, sería válida unha autorización asinada polo solicitante a favor da persoa representante.

Para redactar esta autorización, recoméndase:

- Identificar claramente a persoa solicitante con nome e apelidos.
- Incluír, dentro do propio documento de autorización, imaxe do DNI da persoa solicitante.
- Indicar que autoriza esa persoa (identificada con nome, apelidos e DNI) para representalo/a para os efectos de tramitar a súa solicitude de inscrición na proba de acceso a ciclos formativos.
- Imprimir a autorización.
- Que a persoa solicitante asine a autorización e lla entregue á representante para que a achegue coa solicitude. Non se admitirá unha autorización escanada, senón que cómpre achegar autorización con sinatura orixinal.

Logo de confeccionada a representación, a solicitude que se leva ao centro de inscrición debe ir asinada xa pola persoa representante, non pola solicitante.

Non esqueza conservar unha copia da solicitude validada polo centro de inscrición porque a ten que levar o día de celebración da proba xunto co seu documento de identidade.

2. Proba

Cal é a estrutura da proba?

A proba consta de tres partes: sociolingüística, matemática e científico-técnica.

- A parte sociolingüística organízase en tres probas: lingua galega, lingua castelá e ciencias sociais.
- A parte matemática organízase nunha única proba, de matemáticas.
- A parte científico-técnica ten dúas probas: ciencias da natureza e tecnoloxía.

Como se calcula a nota da proba de acceso?

A cualificación de cada parte da proba (sociolingüística, matemática e científico-técnica) será numérica, entre cero e dez puntos.

A nota final da proba calcularase sempre que se obteña polo menos unha puntuación de catro puntos en cada parte (sociolingüística, matemática e científico-técnica), e será a media aritmética destas, expresada con dous decimais. Considerarase aprobada a proba cando se obteña unha cualificación global de cinco puntos ou superior. En caso contrario, a nota final cualificarase como "non apto/a".

Non cómpre acadar unha nota mínima nas materias de cada parte (sociolingüística, matemática e científico-técnica) para poder facer a media entre elas.

No caso de ter a exención nalgunha das partes da proba ou en todas, como se calcula a nota da proba de acceso?

Para os efectos de cálculo da nota final da proba de acceso non se terán en conta as partes da proba das que a persoa participante fose declarada exenta. Así mesmo, no caso de exención de todas as partes da proba, a cualificación final será de "exento/a".

Para os efectos de admisión en ciclos formativos, a exención total da proba equivalerá a unha cualificación de cinco puntos.

Exemplos de cálculo de notas				
Parte sociolingüística	Parte matemática	Parte científico-técnica	Nota media	Nota final
7,00	5,00	8,50	6,83	6,83
6,00	5,50	4,00	5,17	5,17
4,00	6,00	4,00	4,67	Non apto/a
3,90	5,00	6,00	Non apto/a	Non apto/a
Exención	6,00	4,00	5,00	5,00
4,00	7,50	Exención	5,75	5,75
2,50	Exención	6,00	Non apto /a	Non apto/a
Exención	Exención	Exención	Exento/a	Exento/a

Cando se celebrará a proba?

O día 25 de maio de 2016.

En que horario se desenvolverá a proba?

Presentación

- Ás 9:00 horas.

Parte matemática e parte sociolingüística da proba

- Das 10:00 ás 13:00 horas.

Parte científico-técnica da proba

- Das 16:00 ás 18:00 horas.

Onde terá lugar a proba?

O día 16 de maio farase público o lugar ou os lugares onde se realizarán as probas. Esta lista publicarase nos centros de inscrición e na páxina web <http://www.edu.xunta.es/fp>

Onde farei os exames?

A sede de realización da proba determínase en función do centro de inscrición empregado e, en principio, tratarase dalgún centro público próximo a este. Daquela, recoméndase usar como centro de inscrición un próximo ao domicilio habitual.

Que documentación é necesario levar o día da realización da proba?

O documento oficial de identidade e a copia da folla da solicitude de inscrición.

Que materiais se poderán empregar na realización das probas?

- Bolígrafos de tinta negra ou azul (ningunha outra cor).
- Calculadora científica, agás que sexa programable, gráfica ou con capacidade para almacenar e transmitir datos. Soamente se pode empregar no exame de tecnoloxía da parte científico-técnica.

Non se admitirá ningún aparello capaz de recibir, transmitir ou almacenar información, como, por exemplo, teléfonos móbiles.

Que máis hai que ter en conta para o día do exame?

O tribunal dará as instrucións pertinentes para o correcto desenvolvemento das probas, e non seguilas será causa de exclusión.

3. Exencións

Que exencións se poden solicitar?

Para ver todas as exencións que se poden solicitar, consúltese a seguinte ligazón:

[Acceso a nota informativa](#)

É posible solicitar a exención en lingua galega ou noutras materias superadas na ESO?

Non; só é posible solicitar a exención dalgunha das partes da proba, pero non dunha materia en concreto.

A exención concedida en anteriores convocatorias ten validez para esta convocatoria?

Si; teñen validez as exencións parciais concedidas na comunidade autónoma de Galicia desde o ano 2009. Non é necesario presentar o certificado da proba de acceso onde conste o recoñecemento da devandita exención. Só é necesario marcar na solicitude “Acredita exención previa” onde corresponda.

Que son os módulos obrigatorios dun PCPI?

Con anterioridade ao curso escolar 2011-2012, os módulos obrigatorios dun PCPI correspondían ao primeiro curso de PCPI e incluían a formación en centros de traballo.

Consonte a normativa actual e desde o curso 2011-2012, os módulos obrigatorios dun PCPI son os módulos específicos profesionais e os módulos formativos de carácter xeral que se cursan no primeiro e no segundo curso dun PCPI.

En que casos o alumnado dun PCPI pode solicitar a exención da parte científico-técnica?

O alumnado que cursara os módulos específicos profesionais con anterioridade ao curso actual poderá solicitar a exención da parte científico-técnica no momento de se inscribir para a proba.

En que casos se pode solicitar a exención por ter superados os ámbitos social, de comunicación e científico-tecnolóxico dun PCPI?

Quen superara, en cursos anteriores ao curso 2013-2014, os ámbitos social e de comunicación dun PCPI pode solicitar a exención da parte sociolingüística da proba.

Quen superara, en cursos anteriores ao curso 2013-2014, o ámbito científico-tecnolóxico pode solicitar a exención das partes matemática e científico-técnica.

Os referidos ámbitos impartíanse no segundo curso dun PCPI.

Desde o curso 2011-2012, as persoas que superaran todos os módulos obrigatorios dun PCPI teñen acceso directo aos ciclos formativos de grao medio.

En que casos se pode solicitar a exención por ter superados os ámbitos social, de comunicación e científico-tecnolóxico de nivel II da educación secundaria para persoas adultas (ESA)?

Quen teña superados os ámbitos social e de comunicación de nivel II de ESA pode solicitar a exención da parte sociolingüística da proba.

Quen teña superado o ámbito científico-tecnolóxico de nivel II de ESA pode solicitar a exención das partes matemática e científico-técnica.

Táboa resumo sobre PCPI e ESA		Exencións/acceso
Módulos específicos profesionais, con ou sen FCT		– Exención da parte científico-técnica.
▪ 2º curso dun PCPI (primeiro cuadrimestre). Desde o curso 2011-2012.	Módulos específicos profesionais.	– Acceso a ciclos formativos de grao medio (non teñen que realizar a proba).
	Módulos de carácter xeral .	
▪ Nivel II ESA.	Ámbito comunicación.	– Exención da parte sociolingüística.
	Ámbito social.	
	Ámbito científico-tecnolóxico.	– Exención da parte matemática. – Exención da parte científico-técnica.

Que documentación cómpre presentar no caso de traballadores/as por conta allea que soliciten a exención da parte científico-técnica por teren como mínimo un ano de experiencia laboral en xornada completa?

Certificación da Tesouraría Xeral da Seguridade Social ou da mutualidade laboral que corresponda (vida laboral), onde conste a empresa e o período de contratación.

Que documentación cómpre presentar no caso de traballadores/as por conta propia que soliciten a exención da parte científico-técnica por teren como mínimo un ano de experiencia laboral en xornada completa?

Certificación do período de cotización no réxime especial de traballadores/as autónomos/as.

Logo de solicitada a exención dalgunha das partes, poderanse presentar ao exame desa parte?

Se a exención queda concedida, non.

4. Conservación das partes aprobadas

Pode perder validez a certificación de superación da proba de acceso?

Non; a superación da **totalidade** da proba ten validez indefinida.

Durante canto tempo se conservan as partes aprobadas da proba?

A superación da **totalidade** da proba ten validez indefinida.

Quen realizara a proba na Comunidade Autónoma de Galicia e **non a superara na súa totalidade** poderá manter a cualificación obtida nas partes superadas cunha cualificación igual ou superior a cinco, nas convocatorias de probas de acceso a ciclos formativos de Galicia durante os dous anos seguintes.

É necesario presentar xunto coa solicitude de inscrición o certificado de resultados das probas de acceso de 2014 ou de 2015 para que se lle conserve a parte aprobada?

Non é necesario achegar o certificado, pero si que é necesario solicitar a conservación de nota se o desexa.

En que centros se poden solicitar os certificados das probas de acceso a grao medio do ano 2016 ou anteriores?

Os certificados de probas de acceso, tanto da convocatoria deste ano como de convocatorias anteriores (desde o ano 2006), poderán solicitarse en calquera centro público con oferta de formación profesional.

Os certificados das probas anteriores a 2006 deberán solicitarse nos centros educativos que nas convocatorias correspondentes foron designados como centros emisores de certificacións. Esta información pode consultala en calquera instituto de educación secundaria (IES) ou centro integrado de formación profesional (CIFP) onde se impartan ciclos formativos de formación profesional.

5. Resolución administrativa

Que é a superación da proba por resolución administrativa?

As persoas que nas convocatorias de 2014, 2015 e 2016 superaran algunha das partes da proba de acceso na Comunidade Autónoma de Galicia e estean en condicións, logo de rematado o proceso, de acreditaren, nas partes non superadas, algunha das causas de exención previstas na convocatoria, poderán solicitar certificación de aprobado da proba de acceso por resolución administrativa.

Tamén o poderán solicitar as persoas que aínda que non teñan partes superadas estean en condicións de ter a exención de todas as partes da proba de acceso.

Onde se pode facer esta solicitude?

En calquera centro dependente da Consellería de Cultura, Educación e Ordenación Universitaria onde se imparta formación profesional.

En que prazo se pode solicitar?

Desde o día 30 de maio ata o 30 de setembro de 2016.

Onde se recolle este certificado?

En calquera centro dependente da Consellería de Cultura, Educación e Ordenación Universitaria onde se imparta formación profesional.